



Memoria económica e de transparencia do Convenio entre a Axencia Galega de Desenvolvemento Rural e Asociación Grupo de Desenvolvemento Rural Condado Paradanta -Terra e Auga para a execución do proxecto "Desenvolvemento de novas estratexias de valorización do bosque mixto atlántico en Asturias e Galicia – Mixturando".

Expediente: CNV25-24

PRIMEIRO.- Antecedentes e obxectivos

A Axencia Galega de Desenvolvemento Rural (en adiante, Axencia) creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro).

A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 configúrase a Axencia Galega de Desenvolvemento Rural como unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

A axencia está adscrita á Consellería do Medio Rural, ten personalidade xurídica e patrimonio propios, goza de autonomía administrativa e económica e posúe plena capacidade de obrar, tanto no campo do dereito público como no do dereito privado, para o cumprimento dos seus fins e con suxeición á normativa correspondente.

Segundo establece a Lei 11/2021, do 14 de maio, de recuperación da terra agraria de Galicia, a nova Estratexia forestal da Unión Europea declara que os bosques xestionados non só fixan o carbono mellor que os bosques non xestionados, senón que tamén reducen as emisións e os problemas causados pola deterioración do estado dos bosques, dado que a xestión sostible e activa dos bosques ten un mellor impacto no clima.

Esta lei ten como finalidade a recuperación das terras agrarias de Galicia para uso agrícola, gandeiro e forestal, sen limitarse a enunciar estes valores con carácter xenérico, senón que forman parte fundamental das medidas e das propostas contidas no seu articulado. Así, o apoio á actividade agrícola e aos ingresos das explotacións agrarias familiares, o fomento da aplicación de prácticas agrícolas que contribúan ao mantemento dos ecosistemas e incrementen a capacidade de adaptación ao cambio





climático, o fomento da xestión forestal sostible e activa e a loita contra a degradación e o abandono dos solos agrarios son á vez cuestións transversais presentes na lei e eixos fundamentais do Pacto verde europeo, moi especialmente da Acción polo clima e da nova Estratexia forestal da Unión Europea.

A aposta estratéxica pola recuperación de terras abandonadas mediante a súa posta en valor presenta varios eixos fundamentais: a creación de actividade económica no medio rural, factor fundamental á hora de combater o reto demográfico; a mitigación e adaptación ao cambio climático, en especial mediante a prevención dos incendios forestais; a seguridade alimentaria, a través da protección da capacidade produtiva da terra e o fomento da súa posta en produción; e o impulso dunha planificación da paisaxe agraria que permita a creación de ecosistemas resilientes cunha probada capacidade de recuperación fronte a perturbacións como grandes incendios ou graves riscos fitosanitarios

No marco destes obxectivos marcados pola Lei 11/2021 correspóndelle á Axencia Galega de Desenvolvemento Rural promover a recuperación da terra agraria e a conservación da contorna natural, xa que as actuacións sobre os ditos ámbitos contribúen a mellorar a calidade de vida, a cohesionar a vida social e a estimular o arraigamento da poboación no medio rural, de xeito que fagan deste un lugar máis atractivo, ao ser as ditas actuacións interesantes dende o punto de vista da diversificación económica, da potenciación do interese polo territorio e, por tanto, do desenvolvemento xeral do territorio. Baixo a perspectiva destes obxectivos, a axencia promove a concesión de axudas para realizar actuacións que teñen incidencia nos procedementos de mobilización de terras e que teñen como fin primordial a recuperación da terra agraria.

A Asociación Grupo de Desenvolvemento Rural Condado Paradanta -Terra e Auga é unha entidade de natureza asociativa e sen ánimo de lucro integrada por un conxunto equilibrado e representativo de socios públicos e privados locais dun territorio rural determinado que deseña e aplica unha estratexia de desenvolvemento local para o seu territorio. Esta asociación, xunto co GDR Limia Arnoia, GDR Camín Real de La Mesa (Asturias) e a Universidade de Santiago de Compostela, presentou o proxecto "Desenvolvemento de novas estratexias de valorización do bosque mixto atlántico en Asturias e Galicia – Mixturando" á convocatoria da Fundación Biodiversidad (FB), de subvencións para apoio a proxectos transformadores para a promoción da bioeconomía ligada ao ámbito forestal e á contribución á transición ecolóxica. Por resolución da Dirección da Fundación Biodiversidade do 08.02.2024 esta fundación concedeulle ao GDR Condado Paradante-Terra e Auga unha axuda de 512.028,22 € equivalente ao 95% do orzamento total do proxecto,

A finalidade deste proxecto é a creación de modelos de aproveitamento de bosque mixto transformando a superficie de monte comunal ou de utilidade pública en modelos de aproveitamento dos recursos naturais co fin de contribuír a modelos de economía verde nas áreas rurais con figuras de protección natural. Para acadar esta finalidade, o proxecto establece os seguintes obxectivos:

- Identificación e caracterización de modelos innovadores e optimizados de aproveitamento do bosque mixto atlántico para incentivar o emprego e economía sostible en zonas de alto valor ambiental
- Creación e aplicación de modelos técnico-económicos para o desenvolvemento de diferentes procesos produtivos (agroforestais, agrogandeiros e silvopastorales)





- Transferencia, información, formación e capacitación a diferentes niveis de traballadores para a posta en marcha dos modelos técnico-económicos desenvolvidos ou outros en diferentes zonas

O territorio de actuación da Asociación Grupo de Desenvolvemento Rural Condado Paradanta -Terra e Auga a está formado polos concellos das comarcas naturais de A Paradanta (Arbo, A Cañiza, Covelo e Crecente), e O Condado (Mondariz, Mondariz Balneario, Ponteareas, Salvaterra de Miño), máis o Concello de Salceda de Caselas. As actuacións a desenvolver, co proxecto Mixturando, no territorio do GDR Terra e Auga concéntranse no concello de Covelo, situado na parte norte do territorio de actuación, concretamente na conca alta do Río Tea, Rede Natura 2000.

Dentro deste proxecto "Desenvolvemento de novas estratexias de valorización do bosque mixto atlántico en Asturias e Galicia – Mixturando" correspóndelle á Asociación Grupo de Desenvolvemento Rural Condado Paradanta -Terra e Auga executar as seguintes actuacións:

- A1: Cartografiar e caracterizar socioeconómica, legal e administrativamente as actividades tradicionais nestes enclaves, avaliando o seu estado de conservación
- A2: Identificar modelos de xestión innovadores e exitosos en contextos similares ao do ámbito de actuación
- A3: Elaborar un catálogo de modelos técnico-económicos innovadores para a posta en marcha de actividades demostrativas/formativas
- A4: Validar os modelos técnico-económicos para aproveitamentos forestais
- A5: Validar os modelos técnico-económicos para aproveitamentos silvopastorais
- A6: Validar os modelos técnico-económicos para aproveitamentos agroforestais
- A7: Transferir o coñecemento xerado a través dos instrumentos "Transfer Classroom" e "Living labs".
- A8: Difundir os resultados obtidos nun ámbito global

SEGUNDO.- Xustificación do interese público e social, singularidade e excepcionalidade e da non concorrencia pública da actuación proposta .

Nos termos previstos no artigo 19.4 da Lei 9/2007, do 13 de xuño, de subvencións de Galicia, poderán concederse de forma directa, con carácter excepcional, as subvencións nas que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria.

Co proxecto presentado polo GDR trátase de obter modelos innovadores de conservación do bosque mixto e de modelos técnico-económicos que contribúen ao desenvolvemento de diferentes procesos produtivos agroforestais e agrogandeiros, o cal pon de manifesto o interese social e económico desta actuación. Así mesmo, este interese vese confirmado coa aprobación do proxecto por parte da Fundación Biodiversidade e coa concesión dunha axuda do 95% no marco de grandes proxectos innovadores de índole científico-técnica para a promoción da bioeconomía e a contribución á transición ecolóxica.

Por tanto, en cumprimento do establecido nos artigos 19 e 26 da Lei 9/2007, de 13 de xuño, de subvencións de Galicia, e no artigo 40 do Decreto 11/2009, do 8 de xaneiro, polo que se aproba o Regulamento da citada lei, os obxectivos que se perseguen con este convenio resultan de interese público, social e económico para o desenvolvemento





rural, e teñen cabida nas medidas de impulso e apoio ao desenvolvemento rural levadas a cabo pola Axencia. Os obxectivos que se perseguen con este convenio resultan de interese público, social e económico para o desenvolvemento rural, e teñen cabida nas medidas de impulso e apoio ao desenvolvemento rural levadas a cabo pola Axencia.

Neste caso, o proxecto "Desenvolvemento de novas estratexias de valorización do bosque mixto atlántico en Asturias e Galicia - Mixturando" presentado pola Asociación Grupo de Desenvolvemento Rural Condado Paradanta -Terra e Auga engloba actuacións que contribúen de xeito manifesto á consecución dos obxectivos da axencia e que pon en valor os recursos naturais, producindo un gran impacto positivo no entorno rural.

O carácter puntual ou ocasional deste tipo de apoio, a natureza de carácter público, social e económico das actuacións previstas, así como o feito de que se trata do único proxecto destas características promovido no ámbito da comunidade autónoma, xustifican que non resulte procedente articular esta axuda a través dunha convocatoria pública, sendo a subvención directa a través dun convenio a fórmula que máis se adapta á natureza destas axudas.

TERCEIRO.- Financiamento

A Axencia Galega de Desenvolvemento Rural e a Asociación Grupo de Desenvolvemento Rural Condado Paradanta -Terra e Auga teñen previsto tramitar un convenio para a concesión dunha subvención directa para o proxecto "Desenvolvemento de novas estratexias de valorización do bosque mixto atlántico en Asturias e Galicia – Mixturando" por un período de vixencia que abrangue dende a data da súa sinatura ata o 31.07.2026, sen prexuízo de que se subvencionen as actividades executadas a partir do 1 de xaneiro de 2025.

De conformidade co artigo 2 da Orde de 11 de febreiro de 1998, que regula a tramitación anticipada de expedientes de gasto, por tratarse dun expediente anticipado de gasto, a súa eficacia queda sometida a condición suspensiva de existencia de crédito adecuado e suficiente para financiar as obrigas derivadas desta, de conformidade coa Orde da Consellería de Economía e Facenda, do 11 de febreiro de 1998, sobre tramitación anticipada de expedientes de gasto. Ademais, unha vez aprobado o presuposto, deberanse de practicar as actuacións que prevé o seu artigo 5 para dar continuación ao expediente.

- Proxecto: Desenvolvemento de novas estratexias de valorización do bosque mixto atlántico en Asturias e Galicia – Mixturando
- Orzamento: O orzamento total do proxecto é de cincocentos trinta e oito mil novecentos setenta e sete euros con oito céntimos (538.977,08 €). Para a execución das actuacións do proxecto a Fundación Biodiversidade achega o 95% do orzamento total (512.028,22 €) e a Axencia Galega de Desenvolvemento Rural achega o 5% do orzamento total (26.948,86 €).





- Aplicación orzamentaria 15.A1.712A.781.0 - Código proxecto 2017-00004 - "Mobilización de terras no contorno rural" dos orzamentos da Axencia para a anualidade 2026 "Actuacións senlleiras de mellora do patrimonio rural".
- Plan Estratéxico de Galicia:

Integración no Plan Estratéxico de Galicia 2022-2030 Proxecto 2017 00004		
Eixo	E3	Competitividade e crecemento
Prioridade de actuación	PA05	Aproveitar as potencialidades de Galicia cara un sector primario moderno e competitivo.
Obxectivo estratéxico:	E06	Contribuír o desenvolvemento económico e social en zonas rurais e costeiras. Mellorar as condicións de vida no territorio rural galego, especialmente a través dunha mellora das infraestruturas, mellora no acceso aos servizos básicos e creación de emprego.
Obxectivo operativo	OI01	Actuacións de soporte e apoio (gasto de funcionamento)

Comprobado no sistema XUMCO, actualmente non existe indicador asociado a este proxecto.

Aplicación orzamentaria 15.A1.712A.781.0 dos orzamentos xerais da Comunidade Autónoma de Galicia para a anualidade 20265, código de proxecto 2017-00004 - "Mobilización de terras no contorno rural"		TOTAL
Importe	2026	26.948,86 €
	26.948,86 €	

De conformidade co previsto na Lei 9/2007, de subvencións de Galicia o prazo de execución e xustificación rematará o 31.07.2026 sen prexuízo de que se subvencionen as actuacións realizadas a partir do 01 de xaneiro de 2025.

Na tramitación administrativa deste expediente incorporaranse os seguintes informes:

- Informe da Asesoría Xurídica da Consellería do Medio Rural.
- Informe da Intervención Delegada da Consellería do Medio Rural.

Por todo o exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para a tramitación deste convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.





O órgano competente para o acordo de convenios, por importe inferior a 900.000 euros que deba concertar a Agader para o axeitado exercicio das súas funcións, é o Consello de Dirección da Agader, que ten delegada a dita competencia na persoa titular da Dirección Xeral da Agader en virtude do apartado Primeiro, II, 7 do acordo do Consello de Dirección da Agader do 11 de xullo de 2013, publicado mediante a Resolución do 24 de xullo de 2013 (DOG nº 148, do 5.8.2013).

Santiago de Compostela, na data da sinatura electrónica.

O Consello de Dirección
P.D. (Acordo do 11.07.2013)
A directora xeral
M^a Paz Rodríguez Rivera



ANEXO

Desenvolvemento de novas estratexias de valorización do bosque mixto atlántico en Asturias e Galicia - Mixturando								
Acción do proxecto	Persoal	Viax/manut	Contratación	Subcontratatación	Material Funxible	Gastos indirectos	Outros costes directos	Total
Cartografiar e caracterizar socioeconómica, legal e administrativamente as actividades tradicionais en estes enclaves	732,00 €	0,00 €	0,00 €	0,00 €	0,00 €	0,00 €	0,00 €	732,00 €
Identificar modelos de xestión innovadores e exitosos en contextos similares ao do ámbito de actuación	732,00 €	2.000,00 €	0,00 €	0,00 €	0,00 €	0,00 €	0,00 €	2.732,00 €
Elaboración dun catálogo de modelos técnico-económicos innovadores para a posta en marcha de actividades demostrativas/formativas	11.982,00 €	500,00 €	0,00 €	0,00 €	0,00 €	0,00 €	0,00 €	12.482,00 €
Validación dos modelos	39.251,70 €	500,00 €	41.000,00 €	0,00 €	5.700,00 €	0,00 €	4.800,00 €	91.251,70 €

AXENCIA GALEGA DE DESENVOLVEMENTO RURAL
CONSELLERÍA DO MEDIO RURAL
Lugar da Barcia 56, Laraño
15897 Santiago de Compostela

T. + 34 981 547 354

infoagader@xunta.gal
agader.xunta.gal





técnico-económicos para aproveitamentos forestais								
Validación dos modelos técnico-económicos para aproveitamentos silvopastorais	39.251,70 €	500,00 €	62.200,00 €	114.650,00 €	7.700,00 €	0,00 €	4.800,00 €	229.101,70 €
Validación dos modelos técnico-económicos para aproveitamentos agroforestais	39.251,72 €	100,00 €	23.500,00 €	79.000,00 €	5.600,00 €	0,00 €	800,00 €	148.251,72 €
Transferencia del conocimiento generado a través de los instrumentos "Transfer Classroom" y "Living labs".	0,00 €	0,00 €	0,00 €	0,00 €	0,00 €	17.882,84 €	0,00 €	17.882,84 €
Difusión dos resultados obtidos nun ámbito global	20.088,00 €	5.200,00 €	0,00 €	9.000,00 €	0,00 €	1.455,12 €	800,00 €	36.543,12 €
	151.289,12 €	8.800,00 €	126.700,00 €	202.650,00 €	19.000,00 €	19.337,96 €	11.200,00 €	538.977,08 €
Fundación Biodiversidade								512.028,22 €
Achega Agader								26.948,86 €

